

中華文史叢書之六
清、道光三十年刊本
王有立主編

瀛環志略

(一)

徐繼畲撰



台灣華文書局印行

道光庚戌年鑄

壁星泉先生
劉玉坡先生
鑒定

瀛環志畧

本署藏版

瀛環志畧敘

粵自兩儀奠位八極造基北辰縣象南維湊汝周髀設四隕之喻
鄒衍創九州之說固知高卑尊絕縱橫可度其環周盈沖顯殊經
緯易循其布祿然而洪荒悠遠甄索實難禹貢紀要荒之域未擴
寰垠周官志職方之典僅賅中寓其有探蹟殞紘接奇沈墨則九
都遼廓名詭山經十洲宵渺記儕郢說以爲定論始未或然史氏
代興殊方爰記條支奄蔡傳坳大宛弱水流沙迹窮西域身毒啟
疆於博望大秦通譯於永元至若青羌丹粟之鄉縣度繩行之國
六朝以降載籍屢傳顧欲極亥章之步掌示而數恆沙探甲乙之
藏眉列而陳坤載稽之羣冊祇益惜如松龕中丞綜貫百家淹

七畧智絕輿圖之學識精形勢之言蓋自簪筆西清以迄建牙
嶠固已韜五嶽於寸心鏡二垂於尺素又以為槃圖孟方乃宙合
自然之理左舒右闢實造化無窮之運將牖荒而燭遠必踐實以
徵詳於是旁蒐四裔徧求衆說爰有海西諸國用呈續事原其帆
檣之所經測候之所及約其圍徑參厥廣輪準望分率致爲精審
譯其未達制以爲圖並綴前言藉成信志效賈耽之畫能別華夷
誦倚相之篇遂兼邛索方輿全體粲然備焉夫以大塊之積元模
之廣絕以窮荒阻以巨浸剛柔輕重旣殊其俗陰陽燥溼復異其
宜祝髮而裸氣炎以舒鞞巾而裘風肅而斂蹶張十萬伺星月之
盈虛揅掄三方極風霆之變厲託廩君於白虎誓倭布於黃龍露

紛而謁祿神焚頂而親梵法襲屠耆之貴則鍛戟稱雄呈翠韃之
琛則錐刀是競倣詭情狀控扼爰艱要其盛衰迭代之效沿革遷
流之故割據并吞之勢禍福倚伏之形前後同軌古今一轍則觀
伏波之聚米善審機宜蕭相之披圖皆知阨塞有心斯世者宜可
深長思矣近世志外域者代不乏人然或咫尺見鄙僊無徵浩
引曲稱浮夸抄實舛東西之界奮鵬翮而稽程誤轉注之方調鴛
音而變響訛謬之襲有識爲譏中丞獨埽讐言衷諸一是大之靈
指四隅基寘六合小之犀燭品彙象圖神姦上之爲遠撫長駕攷
鏡得失之資下之爲殫識博通援核後先之本而余又與中丞共
治海邦撫輯彝夏有以見其用志之密度物之明慎樞機於一之

恢磅礴於萬里者蓋如此也

道光己酉夏四月汶上年愚弟劉韻珂拜譔

序

吉甫撰郡縣之志未盡域中景純注山海之經空談荒外良以地理之學難精而滄溟之大尤不易知也五臺徐松龕中丞博學多聞兼綜條貫嘗與論歷代典章制度以及前言往行無不元元本本考核精詳又以其餘釐正古書鉤稽戎索軼亥章之步盡儵忽之疆囊括鯤程包舉鼇奠著為瀛環志略若干卷自東南海島諸國西至蒲昌鹿渾北極伊連渤鞞其疆域之延袤道里之遠近創建因革之故山川民物之名前史所未詳博物所不紀靡不瞭如示掌浩若吞胸聽鄒衍之談天小儒咋舌覽木華之賦海才士傾心蓋公自觀察此邦駐旌泉郡值番舶通商之際正譯書畢集之

時鱗鬻魚鞞圖披王會象胥龍節職在周官固已訪塏影於西陽
獲鱗書於丙穴鱣更可數犀照無遺泊乎攄柔遠之盡忱膺巖壘
之重寄三山甘雨萬里恬波既觀十郡之康遂續九邱之志寒暑
再易勒爲一編洋洋乎宇宙之鉅觀古今之絕業也夫六合之外
聖人以不論存之千歲之日智者可坐而致之故詢天之高廣則
仲尼子貢不能知極人之短長則樵僂防風可以決豈非無徵者
不信多識者有功歟是書博采前賢著述正其舛誤得所折衷帝
虎魯魚無訾後世石華海月廣掇前聞洵堪備史館之參稽恢職
方之紀載者矣公今宣力閩疆渥承

宸眷勳猷所至譽望日隆方將黼黻球圖焜煌鐘鼎移海國見聞

之筆作太平寰宇之書錫文錦以招來毀毛車而更造上佐
天子布大德於埏絃下綏黎元樂匡生於衽席豈惟是書之成爲
足縱橫八極表示千烁而已哉

道光二十八年歲在著雍涒灘長洲愚弟彭蘊章拜撰

卷之三

地輿廣矣重譯之外耳目所不及無稽之說羣起而簧鼓之欲折以理無由也松龕中丞治閩政通人和旁及柔遠之略得泰西人所繪地圖反覆詢譯參以史錄所紀訂其舛誤閱五年成瀛環志略一書凡各國之沿革建寘與夫道里風俗人情物產成備焉暇日出以相示披讀一過覺荒陬僻壤無不如指掌紋如燭幽寐而又於奇奇怪怪之中芟夷古今荒唐之說歸於實是以是歎見聞果確理無不通而公之不憚旁搜博採積歲月以成此書者非公之好奇正公之精於窮理也

慶借

幸與參訂之役謹跋簡末以志

服膺

道光戊申秋八月會稽陳慶借謹跋

--	--	--	--	--

序

天下有道守在四裔王者不勤遠略而德意所涵濡威靈所震攝類皆有囊括區夏甄鑄埏埴之勢故禹貢紀要荒周官有職方氏之掌東南置候西北置尉至於王母呈圖鬼方效順凡夫乾坤之所開陰陽之所接九夷八蠻之國如在幕庭蓋自羲軒以迄姬周之盛鮮不由此我

國家金甌鞏奠淳風鬯洽罔有內外悉主悉臣幅員之廣超古軼今其已隸典屬奉正朔歲時貢獻修職而來者固已駢蹄接踵摩肩延頸懽忻奔走相望於道矣卽至窮髮赤裸焦齒臬矐之國負固匪茹閒亦難馴而德威所播帖然就軌由是海宇鏡清飛艘雲集

表裏肅清中外視福於鑠乎盛哉洵建中之上儀混一之隆軌也
中丞徐松齋先生以渰雅之才兼文武之畧文章經濟炳燦一時
筮仕已來徧歷海疆近開府七閩時

天子方有事於柔遠倚先生爲長城界以東南重任先生沈毅靜鎮又
推誠待物宣揚仁風恩威並濟遠人安之相與婆娑嘔吟鼓腋而
笑時古大秦所分諸國悉遣渠酋航海梯山翕然膺至先生撫綏
之暇每咨訪其形勢得所謂地球圖並泰西人所繪各國地圖暨
東南海島諸國山川風土物產習尚與夫古今沿革變遷之故瞭
如指掌又考訂古籍著爲之說此瀛環志略一書所由作也且夫
四裔之荒非查客所能周歷也重譯之遙非章亥所能盡履也六

幕之大四維之廣非局踣一隅執管測蠡者所能臆度也是故傳
十賚之文鄉不離夫連石探九梯之穴國尙限於挹婁寸觀咫尺
非所以邳張乾樞樸貫莖紐也夷考山海經所傳怪奇悄恍荒誕
而難憑至穆天子乘八駿馬周游八極而瑤華所載疆索不詳降
及逸史方言權輿於爾雅濫觴於稗海其書亦往往行於世而言
人人殊徵實則繆若先生以淵淵著作之材精心考證麟炳炳
足以補廣雅廣記所未逮他日藏之

祕府頒在學官備輶車之咨采佐史箴之蒐稽振古饗奇之士饋餉
靡窮而於

國家撫馭之策控制之方實有裨益緝熙

帝圖潤色鴻業此物此志也夫豈第遠搜僻壤博采叢書侈摺摭之富

夸聞見之奇已哉澤不敏曩嘗監司浙東厯沿海諸郡邑近復奉

檄來閩因得從先生之後勩理通商事務時與泰西諸國人相往來亦欲有所采擇成一家之言而才有未逮靡所取裁觀先生此書躊躇滿志不翅遺我以測土之圭授我以縮地之術班孟堅云博我皇道宏我漢京方茲褊矣昔在成周之世越裳來貢周公作指南車以歸其使他日有策日影而至者卽以此書爲指南之式也可謹書其沿起而爲之序

道光二十八年歲次戊申秋七月福山鹿澤長謹序